



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Symma Practica Theologiae Mysticae**

**Gelen, Victor**

**Coloniae Agrippinae, 1652**

Articulus Decimus. Synopsis status contemplationis modi negatiui.

**urn:nbn:de:hbz:466:1-9766**

priuationis molestiam sustinentes: nisi in medio, in quo omnium affectuum, & operationum actiuitas perit: tam scilicet in negante, animosa resignatio, aut transcendentia, quam in affirmante solatij mystici blandimentum. vt autem, quæ hucusque de contemplatione negativa diximus, facilius in praxin redigantur, consequenter apponitur.

*Synopsis status contemplationis modi negatiui.*

#### ARTICVLVS DECIMVS.

**A**scendet a homo ad cor altum, & exaltabitur Deus. quasi diceret, o pia anima, quæ non amplius sensibili amore detineris; at sursum erigeris, firmo que animi intuitu diuinae contemplaris, absque sensibilis detractionis blandimento, virili constantia prosequens, quidquid mortificationis, virtutis, & ariditatis iura exposcunt; quæque ea, quæ sunt, tanquam ea quæ non, aut nihil sunt trangrederis. (probè sciens, quod in solo Deo Totum, & omnia eminenter haberi possint) ascende confidenter ad cor altum, & à sensibilibus separata, per fidem, spem & charitatem, sensus omnes, & ea quæ sunt, & ea, quæ non sunt, relinque. atque ita videbis, quam Deus sit super hæc omnia exaltatus, vt illius eminentissimo Bono abstracta, iure merito non tam terrena, & inferiora reiijere, aut deserere, quam, ut potè spirituali creaturæ imparia, & negligere, & ignorare habeas.

Cum autem Deo ita eminenter con-

iuncta fueris, non amplius utaris modo negationis, ne omnem bonum actum negando, omni tandem bono teiplam destitutas, sed Divinitatem exaltaram collauda; & triplici distinctione, qua per verba mystica ipsam diuinam illam coniunctionem absque studiosa reflexione, & ex natura, ac conditione ipsius interioris visus, seu intuitus, quasi dentibus spiritualibus masticas, & degustas, perfruere. Idque non tantum in actibus transiuntibus pro hic & nunc, sed etiam paulatim inferiorem contemplationis regionem ascendendo; vt illa regio, quæ immediatè supra, & media erat, etiam ascensi tam spirituali tibi æqualis fuit: quo ita etiam summam spiritus regionem, & consequaris, & perlustres, & sic certè in regione scil. superiori, admirandum in modum tibi exaltabitur Deus, & ea, quæ in inferioribus negata fuerant, diuinæ præsentie blandimenta, quasi in thesauro congregata inuenies, non iuuenili tamen affectu, & sensualitate: sed quæ digna sit (ad spiritualem animum) Dei complacentia.

Longo ergò conamine ascende ad cor altum, vt in te Deus exaltetur; nec inconstanti mutabilitate commotus, ab ascensi, & spirituali progressu, abstineas: attamen si longa experientia, & prudentis mystici iudicio didiceris, diuino proposito vteriorem statuum ascensem tibi b interdici; taltem ab omnibus, quæ mala, & vitia esse noueris, abstineas; & pro vt poteris te ipsum à terrenis eleua; vt taltem gratia, & virtutem

tum moralium exercitio, ac interna recollectione, tibi quoque modo possibili, semper in te collaudetur, & exalteatur Deus. Si vero gratia vltiori à Deo dignata fueris, ascende confidenter ad cor alto altius; & ea quæ in secunda parte tractatur, aggredere, vt in te magis exalteretur Deus, quod ne temere, sed ut ilius fiat, consequenter dicitur,

*De spirituali profectu, duratione, & transitu à contemplationis (utriusque modi) ad priuationis rigorosæ statum.*

#### ARTICVLVS VNDECIMVS.

**V**TROQUE homine, scil. inferiore, seu incipiente per meditationes, & aspirationes, superiore vero, seu proficiente per contemplationem affirmatiui, seu negatiui modi, in mystica exercitatione perfecto; nihil amplius in spirituali negotio saltem modo operandi naturaliter, scilicet per discursum, & conversionem ad phantasmata superest; nisi, vt vel ad priores a status quoquo modo se dimittat mysticus, vel ad vltiorem statum priuationis transeat. hoc enim loco spiritualis professorus eo usque excrevit, ut ad modum supernaturaliter operandi, id est, sine discursu, & usu phantasmatum, adaptari, disponique debeat.

Si vero tempus, quo propriè mysticus in statu contemplationis occupa-

tur, accipiamus; vix ultra duos annos, in ea ab insimis usque ad superiora ascendet, quin realiter aduertat, sibi in superioribus saltem integrali fructione, amplius locum non esse; at inde multum deficere. illis autem, qui statum contemplationis non excedunt, & illius loco tantum suspiria substituunt, aut quidquid demum ipsos amplius ad devotionem, mortificationem, & virtutem, excitare potest, non decem, aut viginti anni; sed tota vita concedenda est. Tandem nemo sit mysticorum (cui animus est ea, quæ hucusque diximus excedendi) qui non sat magna diligentia perlegat, scrutetur, & si possibile sit, praticet ea, quæ in sequenti statu priuationis rigorosæ posita sunt: quandoquidem plurima inuenturus sit, quæ in inferioribus etiam statibus, & agendi modis, documenta datura sint.

Ad contemplator vel affirmatiui, vel negatiui modi, securus ad statum priuationis transeat, quando animaduerterit, non tantum solita auxilia, modosque operandi in optimo contemplationis, non quidem subinde, & in actibus transseuntibus, sed permanenter deficere; imò etiam se ab inquirendo, ex multis dilecto, animum remittere non posse, quin imò fixum, & statutum habere, per quævis etiam ardua fugientem & se ab condentem insequi debere. Eiusmodi enim propositum indubitatum est signum,

ad vi.

a Hic Dec. 9. a. 2.